



# SLUŽBENE NOVINE

## KANTONA SARAJEVO

Godina XXVIII - Broj 21

Četvrtak, 11. 5. 2023. godine  
SARAJEVO

ISSN 1512-7052

### KANTON SARAJEVO

#### Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 170. alineja 26. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18, 52/21 i 40/22) Vlada Kantona Sarajevo, na Šestoj sjednici održanoj 04.05.2023. godine, donijela je

#### UREDBU O IZMJENAMA I DOPUNI UREDBE O PLAĆANJU TROŠKOVA DŽENAZE/SAHRANE/UKOPA ZA SOCIJALNE KATEGORIJE

##### Član 1.

(Dopuna člana 2.)

U Uredbi o plaćanju troškova dženaze/sahrane/ukopa za socijalne kategorije ("Službene novine Kantona Sarajevo", br. 31/17 i 1/22) u članu 2. stav (1) iza riječi: "pogrebnih djelatnosti" dodaje se interpunkcijski znak "zarez" i riječi: "Javna ustanova "Kantonalni centar za socijalni rad" (u daljem tekstu: Centar) po službenoj dužnosti".

##### Član 2.

(Izmjena člana 3.)

Član 3. mijenja se i glasi:

"Član 3.

(Uslovi za plaćanje troškova)

Plaćanje troškova ostvaruje se pod uslovom:

- da je preminulo lice ili član porodice preminulog lica evidentiran kao korisnik prava na stalnu novčanu pomoć,
- da je preminulo lice, neposredno prije smrti, bilo smješteno u ustanovu socijalne zaštite putem Centra i za koje je Centar u cijelosti ili djelimično snosio troškove smještaja".

##### Član 3.

(Izmjena člana 6.)

U članu 6. stav (1) mijenja se i glasi:

"(1) U slučaju da je član porodice preminulog lica ili drugo lice, o svom trošku obavilo dženazu/sahrane/ukop preminulog lica iz člana 3. ove uredbe, isto ima pravo na refundaciju plaćenih troškova u skladu sa ovom uredbom. Zahtjev se podnosi Centru u roku od 60 dana od dana obavljanja dženaze/sahrane/ukopa."

##### Član 4.

(Postupci koji nisu pravomoćno okončani)

Svi postupci koji do dana stupanja na snagu ove uredbe nisu pravomoćno okončani, završit će se po odredbama ove uredbe.

##### Član 5.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-17006-4/23  
04. maja 2023. godine  
Sarajevo

Po ovlaštenju premijera  
Ministrica  
Darja Softić Kadenić, s. r.

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 33. Zakona o zdravstvenom osiguranju ("Službene novine Federacije BiH", br. 30/97, 7/02, 70/08, 48/11, 36/18 i 61/22) na usaglašeni prijedlog Ministarstva zdravstva Kantona Sarajevo i Zavoda zdravstvenog osiguranja Kantona Sarajevo, Vlada Kantona Sarajevo, na Petoj sjednici održanoj 27.04.2023. godine, donijela je

#### UREDBU O IZMJENAMA I DOPUNAMA UREDBE O OBIMU, USLOVIMA I NAČINU OSTVARIVANJA PRAVA OSIGURANIH LICA KANTONA SARAJEVO NA MEDICINSKA SREDSTVA

##### Član 1.

(Izmjena člana 54.)

U Uredbi o obimu, uslovima i načinu ostvarivanja prava osiguranih lica Kantona Sarajevo na medicinska sredstva